



Broj: 01-04/02-30583-1/21  
Sarajevo, 25. 8. 2021. godine

**SKUPŠTINA KANTONA SARAJEVO**  
n/r Elvedina Okerića, predsjedavajući Skupštine Kantona Sarajevo

**ZASTUPNIČKA INICIJATIVA:**

Zastupnica Vildana Bešlija je na 40. Radnoj sjednici Skupštine Kantona Sarajevo, održanoj dana 9. 8. 2021. godine, u okviru tačke Dnevnog reda: „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, uputila zastupničku inicijativu: „**za uspostavu programa finansiranja ili sufinansiranja troškova polaganja majstorskih i stručnih ispita za deficitarna zanimanja**“.

**Obrazloženje:**

Agencija za rad i zapošljavanje Bosne i Hercegovine već treću godinu objavljuje informacije o potrebama na tržištu rada u Bosni i Hercegovini, s ciljem da maturantima osnovnih i srednjih škola u BiH pruži informacije o potrebama tržišta rada, te da im olakša izbor za nastavak školovanja. Agencija objavljuje spisak top pet deficitarnih zanimanja po kantonima i entitetima, kao i za Brčko ditrikt BiH, te detaljne spiskove svih zavoda i službi zapošljavanja u BiH gdje je dat prijedlog deficitarnih zanimanja.

Ova informacija ne treba biti namijenjena isključivo maturantima, već i vlastima. Kanton Sarajevo treba biti aktivan učesnik kolektivnog napora da radna snaga ove države ide u korak sa potrebama tržišta. Konkretna oblik stimulansa kanton može dati kroz program koji treba prerasti u stalnu budžetsku stavku *finansiranje / sufinansiranje troškova polaganja majstorskih ispita za deficitarna zanimanja*. Ovo bi bio relativno mali, ali važan korak, kojim se pokazuje volja kantona da zadrži poželjni radni odnos i pomogne ljudima koji imaju afiniteta baviti se deficitarnim zanimanjima.

**ODGOVOR:**

Ministarstvo za odgoj i obrazovanje podržava inicijativu zastupnice Vildane Bešlija i smatra da bi se na taj način omogućilo značajnom broju nezaposlenih lica da steknu zvanje majstor za deficitarna zanimanja kroz programe finansiranja ili sufinansiranja troškova polaganja majstorskih i stručnih ispita za deficitarna zanimanja. Od 2015. godine na snazi je Zakon o obrazovanju odraslih, kojim je registrovanim organizatorima obrazovanja odraslih, omogućena i akreditacija programa za prekvalifikaciju i dokvalifikaciju. S tim u vezi, određeni broj srednjih škola kao i privatnih organizatora obrazovanja odraslih je osposobljen za provođenje programa prekvalifikacije i dokvalifikacije, koje se uspješno i provode.

S poštovanjem,

**MINISTRIČKA**

**Naida Hota-Muminović**

**Dostavljeno:**

1. Naslovu
2. Stručna služba Vlade Kantona Sarajevo
3. Sekretar Ministarstva za odgoj i obrazovanje Kantona Sarajevo
4. Arhiva

